



Bosnia and Herzegovina
Federation of Bosnia and Herzegovina

CANTON SARAJEVO
**Ministry of Physical Planning Construction and
Environmental Protection**

Broj: 05-05-23628-43/19 III MG
Sarajevo, 19.07.2019. godine

SKUPŠTINA KANTONA SARAJEVO
n/r Elmedin Konaković, predsjedatelj
- ovdje -

PREDMET: Odgovor na zastupničko pitanje zastupnice Bibije Kerla

Zastupnica Bibija Kerla na Desetoj radnoj sjednici Skupštine Kantona Sarajevo, održanoj dana 24.06.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, u skladu sa članovima 211. i 214. Poslovnika Skupštine Kantona Sarajevo postavila je zastupničko pitanje:

“Šta je Vlada Kantona Sarajevo uradila po pitanju upravljanja otpadom animalnog porijekla, jer je veoma ozbiljan problem Kantona Sarajevo?”

Obrazloženje: Čini mi se da je problem animalnog otpada jedan od “gorućih” problema u oblasti upravljanja otpadom u Kantonu Sarajevo sa kojim se suočavaju lokalne vlasti, stočari, klaoničari, prerađivači, mesari, veterinari i građani, te da se konkretne mjere u cilju njegovog rješavanja moraju poduzeti u što skorijem periodu, a za što su stečeni konkretni preduslovi izradom dokumenta “Registar otpada životinjskog porijekla u Kantonu Sarajevo”.

Jasno mi je da problem nepostojanja tačnih podataka o količinama i kategorijama, te neadekvatne infrastrukture za prihvatanje i zbrinjavanje ove posebne kategorije otpada, nije prisutan samo u Kantonu Sarajevo već da se isti javlja i u drugim kantonima, odnosno na teritoriji Federacije BiH i BiH općenito, pa me interesuje da li je rješenje na vidiku.”



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



ODGOVOR:

Upravljanje animalnim otpadom regulisano je Zakonom o veterinarstvu BiH ("Službeni glasnik BiH" broj 34/02) i Zakonom o veterinarstvu Federacije BiH ("Službene novine Federacije BiH" broj 46/00). U skladu sa Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi («Službeni glasnik BiH» broj 19/11), koja je donesena na osnovu Zakona o veterinarstvu BiH, otpad životinjskog porijekla je potrebno preraditi, obraditi ili uništiti u objektima (mjestima) za preradu, obradu ili uništenje otpada životinjskog porijekla.

Istovremeno, Zakon o komunalnoj čistoći ("Službene novine Kantona Sarajevo" br. 14/16, 43/16, 19/17, 20/18, 22/19) pored kućnog otpada definiše i otpad koji nastaje u procesu rada, te zabranu odlaganja u posude za komunalni otpad lešina životinja, otpada iz klaonice, mesnica i ribarnica. Za razvrstavanje otpada postavljaju se namjenske posude u svrhu prerade sekundarnih sirovina, odnosno iskorištavanja otpada. Posude za poslovne zgrade i prostorije nabavljaju njihovi korisnici.

Problem nedostatka evidencije o ukupnim količinama i kategorijama otpada životinjskog porijekla u skladu sa veterinarskom i okolišnom legislativom, te adekvatne infrastrukture za prihvatanje i zbrinjavanje ove posebne kategorije otpada, uključujući i specijalna vozila za transport, u Kantonu Sarajevo jasno je naznačen u Kantonalnom planu zaštite okoliša, koji je donijela Skupština Kantona Sarajevo 31.10.2017.godine. U skladu sa opredjeljenjima iz KEAP-a, Ministarstvo prostornog uređenja, građenja i zaštite okoliša je finansiralo projekat „Izrada registra otpada životinjskog porijekla u Kantonu Sarajevo“. Vlada Kantona Sarajevo je 20.09.2018.godine donijela Zaključak broj 02-05-32638-10/18 kojim je prihvatila Izvještaj Ministarstva prostornog uređenja, građenja i zaštite okoliša o izradi Registra nusproizvoda i otpada životinjskog porijekla u Kantonu Sarajevo. Istim Zaključkom Vlada je zadužila nadležna ministarstva da obezbijede adekvatna prelazna rješenja, kako bi se ova kategorija otpada u Kantonu tretirala i odlagala na ekološki prihvatljiv način.

Usljed nedostatka infrastrukture i postrojenja na području Federacije i BiH, ovaj otpad se odvozi na deponiju i zbrinjava u skladu sa prihvaćenom procedurom u jamama grobnicama, a velike količine otpada životinjskog porijekla koji je pomiješan sa komunalnim otpadom završava i na aktivnim plohama za odlaganje. Preuzimanje otpada životinjskog porijekla i njegovo odlaganje na deponiji Smiljevići vrši se u skladu sa posebnim ugovorima koje su proizvođači nusproizvoda i otpada životinjskog porijekla sklopili sa KJKP "Rad". Istovremeno, stalno se upozoravaju generatori otpada da se radi o privremenom rješenju, da su dužni minimizirati količine otpada koje predaju KJKP "Rad", uz preporuku da otpad zbrinjavaju putem drugih registrovanih preduzeća za ovu vrstu otpada. Kao rezultat svih napora, u prvoj polovini 2019.godine smanjene su količine životinjskog otpada koji se zbrinjava na deponiji.

Ministarstvo prostornog uređenja, građenja i zaštite okoliša, u saradnji sa drugim resornim ministarstvima, kontinuirano pokušava riješiti problem na nivou RCUO Smiljevići. Dana 03.07.2019.godine ovo Ministarstvo je dalo KJKP „Rad“ privremenu saglasnost za odvoz i odlaganje otpada životinjskog porijekla na deponiji Smiljevići, sa rokom važenja do 03.11.2019.godine.




web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



Problem zbrinjavanja animalnog otpada je naglašen i u Informaciji o stanju i budućim aktivnostima u okviru RCUO Smiljevići, razmatranoj na Tematskoj sjednici Vlade Kantona Sarajevo 27.06.2019.godine. Zaključkom broj 02-05-25117-1/19 zaduženo je Ministarstvo privrede da, u saradnji sa Ministarstvom prostornog uređenja, građenja i zaštite okoliša, hitno preduzme sve mjere na obezbjeđivanju infrastrukture za zbrinjavanje animalnog otpada, a Ministarstvo komunalne privrede i infrastrukture da izdvoji sredstva za nabavku vozila za odvojeno prikupljanje animalnog otpada.

Ministarstvo prostornog uređenja, građenja i zaštite okoliša je zaduženo da u roku od 60 dana obezbijedi Studiju izvodljivosti uspostave postrojenja za spaljivanje animalnog otpada. Aktivnosti na uzradi Studije su u toku.



Damir Filipović, MA prava

Dostaviti:

- Naslovu
- Vlada Kantona Sarajevo
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

